

և բառնալոյ զպատկերս և զկանթեզս զոր եգիբ 'ի Ս. Յարութիւն: Եւ Բդեշխն հաճեալ երեւի կատարել զայնս: Եթէ չկատարեսցէ զգործն ընդ ձեզ սիրով: Թշնամին ձեր հզօր և 'ի տուրս առատ: Ապա առեալ զՀրէայն մօտն առ Քեահեայն, զի Թերեւս չահեսցին ինչ, այլ լուան զանկարելին և զխստութիւն Բդեշխն, եւ յերկարիլ բանից սկսաւ նախատանօք Թշնամանել զնոսա: Եւ նոցա յանձն առեալ զամենայն ինչ ասեն, որոյ իրաւամբ զայսքան քրտակս պահանջէք, միթէ մեզս ինչ գործեցաք: զի խընդրեցաք կատարել զգործն ըստ հրամանի Արքային: Եւ նա ասէ չգիտեմք զայդպիսի իրս: զի որպէս ետուք Դատաւորին, խօճաքեանին եւ այլոց, Բդեշխն եւս պահանջէ: Գուցէ զղլաւջիք յետոյ, ասացաք ձեզ թէ բաց է ճանապարհ Նրուսաղէմի ընդէ՞ր ոչ գնացիք, ո՛հ եթէ երթալիք: և 'ի կարի թախանձելն զնա Վարդապետաց, վերջաւին յղեաց զՀրէայն առ Բդեշխն, եւ նորա եկեալ ասէ՝ բարկացաւ ինձ և քեզ, միայն §0 քսակն չնորհեալ է: Եւ լուեալ զայս ելին տրտմութեամբ արտաքս: Եւ մինչ խորհէին զորպէսն, եկին հրաւիրակք և ստիպէին զնոսա երթալ առ Բդեշխն և զգենուլ զսիլայս: Հրէայն յորդորէր զնոսա չապականել տրտմութեամբ զերեսս իւրեանց առաջի ամենեցուն, զի չէր ինչ օգուտ անտի: Եւ իբրեւ յանդիման եղեն, ետ բերել զսամուրենիս և զգեցոյց Վարդապետաց և Սարկաւազին, և 'ի խոնարհիլ նոցա 'ի յարգանս, ասէ՝ ցփեահեայն՝ յոյժ բարկացեալ էի սոցա զի ոչ ծանեան զիս, եւ առանց հրամանի իմոյ մարսել կարծէին զգործն Ս. Յարութեան, սակայն այժմ ներեցի: և հանին զնոսա արտաքս, իբրեւ հարցին ցփեահեայն, հրամայեաց նոցա գրել մուրհակ §50 քսակի: և 'ի պատճառել նոցա զկեղեքունն՝ զայլ և այլ պահանջս Գանձապետին յերուսաղէմ 'ի Պատրիարքէն: Գրել առ նա գիր յանձնարարական, ասէ՝ դուք զգործ տեղւոյս հոգացէք և ոչ զերուսաղէմին, մեկնեցան 'ի վանս: Յետ երկուց աւուրց կնքեցին զմուրհակն սարտուց Դիոնէսիոս և Սարգիս Վարդապետք եւ Յովհաննէս Սարկաւազ (1813: 'ի 4 Օգոստոսի): Եղին սլայման հատուցանել զայն զկնի 41 աւուրց, որպէս արարեալ էին Յոյնք: Եւ առին զերկուս հրամանագիրս մին